

10 ASO TALOSAGA – 2018

Aso Sefulu Tasi_11

O le Ositaulaga Sili

Fautuaga mo le Faatulagaina o le Sapati Faai'u

O le Sapati mulimuli e tatau ona avea o se taimi e olioli ai ma faafetai i le Atua ona o mea sa faia e le Atua i la outou ekalesia i le 10 Aso o Talosaga. Ia faatulaga lelei ina ia siitia ai le agaga o le fafetaia o le lelei o le Atua ma Lona mana matautia. Ia maitauina le liligi mai o le Agaga Paia o le Atua i le 10 aso ua mavae. O se avanoa lenei e olioli ai i mea sa faia, o lo o faia, ma o le a faia e le Atua mo lau ekalesia.

MAU AUTU: EPERU 4:14 - 16

O lenei, 'ua ia i tatou le ositaulaga silisili, 'ua afio atu i le lagi, o Iesu le Alo o le Atua, 'ia tatou tāofi mau ai i la tatou e ta'utino atu. Auā e lē 'iā te i tatou se ositaulaga sili e lē mafaia 'ona tigā alofa fa'atasi ma i tatou i o tatou vaivai, a 'ua fa'aosoosoina o ia i mea uma pei o i tatou, a 'ua leai se agasala 'iā te ia. O le mea lea 'ia tatou fa'alatalata atu ai ma le loto tele i le nofoāli'i o le alofa tunoa 'ina 'ia alofaina ai o i tatou e ia, maua ai fo'i le alofa tunoa e fesoasoani mai i ona aso e tatau ai.

E tofu lava le ekalesia ma ona manaoga, o le mea lea e tatau ai ona galulue faatasi ma ta'ita'i o le ekalesia ina faia se fuafuaga lelei. O nisi nei o fautuaga mo le tapenaga mo le sauniga faai'u o le tou 10 Aso o Talosaga i le Sapati.

- **A'oa'oga faale-Tusi-Paia i le Mau Autu Eperu 4:14-16:** Faia se lauga, pe mafai fo'i ona lalaga faatasi ma ni tala mananaia o le vaiaso sa feagai ai.
- **Molimau:** Ia lava se taimi e fai ai ni molimau e tusa o ni talosaga ua manino le tali mai ai o le Atua. Fuafua lelei le taimi aua foi le soona faauumiina molimau. E mafai fo'i ona tofofi ni isi i le taimi o le vaiaso fuafua lava i le tali mai o a latou talosaga.
- **Taimi o Talosaga:** Ia auai uma tagata i talosaga. E mafai ona e ta'ita'i i se tatalo fetalai'i. E mafai fo'i ona tofofi nisi faapitoa. E mafai fo'i ona tatalo faaoga le Tusi Paia, o vaega laity, taitoatasi, o le faapotopotoga atoa, ma isi lava ituaiga ia faia ai.
- **Pesega:** O se aso olioli lea ma e tatau ona faaoga le pesega e viia ma faafetaia ai le Atua. Faatulaga lelei ni pese.
- **Fuafuaga mo le Lumana'i:** Afai ua faailoa atu e le Atua se galuega lavea'i e faatino mo le lumana'i ua tatau ona faailoa i le taimi lea ina ia auai tagata uma.
- **Fetuuna'i:** Ia fetuutuuna'i le faatulaganaina. Aua le tamau i se mea pe afai ua iai se mea e faailoa mai e le Agaga Paia i taimi o sauniga.